

33796



16259

6
18

續河南通志

第二十九冊

藝文志

卷七十三詩三五律

卷七十四詩四七律

卷七十五詩五絕

續河南通志卷之七十三

藝文志

詩五律

上陽宮侍宴應制

唐宋之間

廣樂張前殿重裘感聖心
砌奠霜月盡庭樹雪深舊渥
驂宸御慈恩忝翰林
微臣一何幸再得聽瑤琴

登嵩山嶺應制

唐宋之間

翼翼高旌轉鏘鏘鳳輦飛塵銷
清蹕路雨濕從臣衣
白羽搖丹壑天營偪翠微
芳聲耀千古四海警宸威

銅雀伎

唐沈佺期

昔年分鼎地今日望陵臺
一旦雄圖盡千秋遺令開綺羅
續河南通志卷之七十三
藝文志詩一

君不見歌舞妾空來
思共漳河水東流無重回

夏初醴泉南樓送太康顏少府

唐岑參

何地堪相餞南樓出萬家
可憐高處送遠見故人車野果
新成子庭槐欲作花
愛君兄弟好書向穎中誇

宿淮陽

唐張九齡

日暮荒亭上悠悠旅思多
故鄉臨桂水今夜渺星河
暗草霜花發空庭雁影過
興來誰與晤勞者自為歌

龍門

唐杜甫

龍門橫野斷驛樹出城來
氣色皇居近金銀佛寺開
往來時屢改川陸日悠哉
相閱征途上生涯盡幾回

洛陽河亭酌留守郡公

唐李益

離亭餞落暉臘酒減征衣歲晚烟霞重川寒雲樹微
千里至舊路十年歸還似汀洲雁相逢又背飛

歸渡洛水

唐 皇甫冉

暝色赴春愁歸人南渡頭渚烟空翠合灘月碎光流
澧浦饒芳草蒼溟有釣舟誰知放歌客此日正悠悠

送盧山人歸林慮山

唐 皇甫冉

無論行遠近歸向舊烟林寥落人家少青冥鳥道深
白雲長滿自芳草自知心山色連東海相思何處尋

送宛邱任少府

唐 盧綸

帶綬別鄉親東爲千里人俗訛唯競祭地古不留春
野戍雲藏火軍城樹擁塵少年何所重才子又清貧

續河南通志

卷之七十三

藝文志

詩

二

光州王使君水亭作

唐 賈島

楚水臨軒集澄鮮一畝餘柳根連岸盡荷葉出萍初
極浦清相似幽禽到不虛夕陽亭際眺槐雨滴疎疎

汴上晚泊

唐 吳融

亭上風猶急橋邊月已斜柳寒難吐絮浪濁不成花
岐路春三月園林海一涯蕭然正無寐夜櫓莫吟啞

陽泉棲雲道觀

唐 皮日休

方外復方外翛然心跡清開窓納山影推枕得溪聲
川路遠難到石田平可耕霜林不嫌客留看錦崢嶸

送崔中丞赴鄭州

唐 姚合

僕射陂前郡清高越四隣丹霄鳳詔下太守虎符新
霜濕

關城月花香驛路塵蓮枝相庭樹歲歲一家春

過閩鄉

唐 毛伯溫

纔出秦關道風烟入望多鑿山方得路近水不聞波隔岸
看三晉連村屬兩河行途無一事時復聽樵歌

經故楊太尉舊居

唐 許棠

在漢信垂功於唐道更隆一川留古迹多代仰高風樹折
巢墜鳥階荒草覆蟲行人過豈少獨駐夕陽中

寄題傅欽之濟源別業

宋 司馬光

縣郭遙相望修篁百畝餘林間清濟水門外太行車道勝
隨宜足身閒與世疎何時容命駕采蕨釣肥魚

雨後獨行洛北

宋 歐陽修

續河南通志

卷之七十三 藝文志

詩

三

北洛望南山明嵐雜紫烟歸雲向嵩嶺殘雨過伊川樹遶
芳隄外橋橫落照前依依半荒苑行處獨聞蟬

緱氏縣

宋 歐陽修

亭後徹郊畿人家嶺坂西青山臨古縣綠竹繞寒蹊道上
行收穗桑間晚灌畦東臯有深趣便擬卜幽棲

烈女井

宋 梅聖俞

偃有金時井猶傳烈婦名從容知盡義急遽卽捐生眼激
山將裂光寒水自清鄉人常下拜不敢照無情

春日遊金明池

宋 李昭玘

日有江湖思坐無車馬塵橫橋自照水啼鳥不驚人輦路
晴飛絮宮牆暗鎖春多情老圃吏麗地喜

宋 視

陳留市隱

宋 黃庭堅

陳留江端禮季恭曰陳留市上有刀鐻工年四十餘無室家子姓惟一女年七歲矣自以刀鐻所得錢與女子醉飽醉則簪花吹長笛肩女而歸無一朝之憂有終身之樂疑以為有道者也陳無已為賦詩處堅亦擬作

市井懷珠玉往來人未逢乘肩嬌小女邂逅此生同養性
霜刀在鬪人清鏡空時時能舉酒彈鐻送飛鴻

贈李簡夫秋圃

宋 蘇轍

秋色豈相負小園仍有花遶欄吟落日拾徑得殘葩菊細
初藏蝶桐疎不庇鴉遊觀須作意霜雪僅留槎

題李簡夫葆光亭

宋 蘇轍

逕草侵芒屨庭花墮石臺小亭幽事足野色向人來坐上
續河南通志 卷之七十三 藝文志 詩 四

烏皮几墻間大瓠壘老成無不可談笑得徘徊

至安化驛先寄淮陽故人

宋 張耒

蕭條安化驛客思悠哉積水連天濶青山送客來疎籬
風捲葉敗屋雨生苔寄語淮陽舊人今放逐回

泊長平晚望

宋 張耒

川穩夷猶棹春歸杳靄天翠深交岸樹綠遠望川田漁酒
數家市帆橋何處船登臨一回首無恨亦依然

發長平

宋 張耒

歸牛川上渡去翼望中迷野水侵官道春燕沒斷堤川平
雙槳上天濶一帆西無酒消羈恨詩成獨自題

許州西湖

宋 梅堯臣

新春萬柳齊鶯渡水東
西城上明殘照雲間掛
斷霓烟蒲勻若剪沙岸
淨無泥只恐朱藤密如
過罨畫溪

孟州夾灘飲承之御史家

金元好問

黃酒禁愁得芳梅
添興饒紛紜聊且置
魂磊故須澆雞黍
成前約干戈有此宵
平生揚大理惜不預
佳招

北門觀漲

元許衡

雨水添新漲波湖沒舊痕
人迷隄口路船上樹頭村
歲事知前誤秋耕未可論
誰憐徭役外天亦恡深恩

和可行展省歸過堽塘卽席韵

元許有壬

墟里烟塵外巾車日
日來疎林呈半塔
初日見三臺酒每
從隣貰詩寧待雨
催衰年懷易感爲
我少遲廻

續河南通志

卷之七十三

藝文志

詩

五

水治道中

元許有壬

人烟仍古邑村落帶清泉
修竹雲千畝垂楊翠半天
滌場餘滯穗沽酒驗豐年
欲結雞豚社慙無二頃田

題孝親寺

元許有壬

永額始知宋佳城
石紀韓懷賢時拊髀
弔古一凭欄清夢
雲龕靜悲歌野樹寒
山川豈專美東北
又豐安

華嚴寺

元馬祖常

化國日遲遲招提獨徃
時鶴馴看梵磬猶處
護齋廩貝葉翻經譯
沙牆應制詩庭前
雙樹好長夏得風吹

南嶽廟

元馬祖常

徃歲曾高眺今朝又漫來
山禽鳴獨樹石壁漬荒苔
水淺

沙痕亂天低雁影回春風吹白髮有酒且啣杯

寄吉祥寺

元吳萊

一夕逢寒食行吟採物華風生敲檻竹雨溼墮船花曲塢
青龍樹長灘白鷺沙回看湖上水直去到君家

風遊北泉

元林

獨臥懷西野群行望北泉斷橋妨馬度峭壁吃龍懸楓落

三秋雨秬香九月天結廬如可遂捫石縱高眼

王喬次韻陳留公湖上行屯之作

明高啟

湖陰巡壘罷緩服上仙舟景好看宜晚詩清賦爲秋葉應
隨鳥散山欲赴波流亦有東遊興空憐未得酌

夫子寄阮行人

明何景明

續河南通志

卷之七十三

藝文志

詩

六

夫子風流士高懷近若何張騫能奉使阮籍自行歌文字
留中岳樓船渡大河梁都看不遠枉駕幾時過

王喬洞

明何景明

王喬古洞深駐馬數相尋積雪無行路空山獨徃心鳳笙
時一過鳧鳥久雙沉蘿殿年年鎖寒風落桂陰

夜次寧郭

明楊慎

風急毳裘輕關河向晚程星從雅背出月傍馬頭生雪店
懸燈影寒樵送角聲鄉圍知日遠夜夜夢瑤京

盤谷

明吳國倫

谷口雲猶昔山陽室已遷孤眠支鼎石草蔓濯纓泉俗與
無懷近銘方有道傳却慚軒冕客垂老未歸田

入魏郡

明吳國倫

野色澹無際孤雲逐馬來路縈千里出城挾兩河開雨氣
含沙麓烽烟八魏臺褰帷問故老誰復參龍才

汝縣謁比干廟

明唐順之

下馬登坵壠藁林曲隧通碑因元魏樹地是有周封酒散
荒池上人行秀麥中故宮無可問徒此對松風

封邱阻雨

明蕭鳴鳳

暑雨黃池北行臺暫息勞倚欄渠瀏決開卷篆烟消歲歉
防殘寇秋成望稔苗願操元化手隨劑酌天瓢

白松泉

明陳文燭

衆木芳榮處參天一老松傳言栽玉女幸不染秦封雪色
續河南通志卷之七十三藝文志詩七

時來鶴風聲夜作龍萬年枝可倚長笑問仙踪

珍珠泉亭

明曹應秋

爲饒名勝跡偶爾到仙源出地聲如沸臨池色可飡照心
金鏡徹如意寶珠翻山路夕陽靜還嫌車馬喧

過羨里謁文王祠

明崔銑

荒土如杯覆遺祠比嶽尊獨夫讐聖哲萬古識乾坤霜露
秋階浸松杉曉殿昏瞻依空白首下馬重銷魂

宿孝親寺留題

明夏言

寂寞前朝寺山僧說魏公豐碑含晚照高塚翳荒叢相業
千秋在親心萬古同寒飈振林木歌苦月明中

夏日同友萬金渠流觴

明謝榛

城西六月暮笛裏萬山秋野水天光靜沙河日色浮清觴
聊泛泛白鳥任悠悠逸少今千載何人復勝遊

西園

明謝榛

老去青山計春來黃鳥期雲霞扶杖遠風雨看花遲易醉
逢歌舞孤懷遣歲時徐陳不可見空憶建安詩

三臺

明謝榛

歌舞千年計登輿去不迴豪華空四野霸業有三臺水澗
蒼雲動洲寒白月來草花秋露裏寂寞爲誰開

入懷有小洞

明謝榛

逼天王屋勝一洞抱空虛地勢通瑤關山靈護寶書燒丹
非我事度世定誰居黃鶴西飛去雲霞思有餘

續河南通志

卷之七十三

藝文志

詩

八

懷紫微宮

明謝榛

斷山經過處三十六廻泉石樹迎華月瑤宮帶紫烟異香
猶入夜飛馭儼橫天借問丹臺上于今復幾仙

題節婦蘓氏

明焦竑

粉暗辭羅綺釵寒失鳳凰賦堪悲暮日心欲結秋霜烈女
班荀並男兒嬰杵行綸音一褒錫千載播芬芳

題鼓角樓

明李宗延

懸瓠危樓出凭欄萬井平雲霄威鳳翥風雨臥龍鳴岫朗
窺簷色河流入坐聲冥氛靈卉合望靄太墟城

登觀音閣南湖泛舟

明王承學

招提依綠水乘興一登臨慧日虛無相慈雲自在心開尊

移短棹避暑息繁陰泛泛忘機鳥憐子共夕吟

夏日荆河

明 閻調羹

幽日徧東郭孤筇引興賒兩岐豐漢麥五色瑞秦瓜老葛
纏村古支流瀉岸斜因逢熊處士留滯過昏鴉

少怡亭

明 吳廣謨

欲上長安道先來借此遊雲移山色麗雨洗竹光浮劇飲
陶潛宅高談庾亮樓醉歸無限量啼鳥萬峰秋

伊尹廟

明 范崇儒

穀熟逢南陌阿衡祠已荒行藏三聘重蘋蓼萬年香月掛
蒼蒼樹詩題短短墻躬耕人去遠莎草映堦長

王氏園亭

明 杜化中

續河南通志

卷之七十三

藝文志

詩

九

林外園依水池塘景最清穿苔入澗戶分竹出山楹岸草
留人坐沙禽傍客行尋幽經過此長嘯一含情

遊黃華

明 王錫命

空山澄夕霽野景散秋陰雲樹迎飛蓋香花出梵音鏡臺
仙跡絕石澗碧蘿深酌酒臨流水烟霞落滿林

岳忠武祠

明 魏大本

王祠徧江漢故里獨巍然生氣風雲擁精忠日月懸黃龍
虛痛飲白馬負孤騫留取南枝在乾坤結大年

嵇侍中祠

明 魏大本

戰血憑誰浣忠魂任所之郊原高故壘草樹暗靈祠落日
啼鵲處征人繫馬時千年知己淚片石外孫辭

除日淮上

明黃尚質

除日立江涯朔風吹白沙
冰橋艱渡馬雪柳亦棲鴉
寒重角聲咽日殘帆影斜
淮陽三逼歲無那憶梅花

葛陂

明黃尚質

憶水誰投杖仙陂已化龍
宵鐘隨雨到朝岸借雲封
綠澗天邊草青浮江上峰
老農欣襍袂相聚說年豐

題蓮花潭

明方萬豪

潭水空如鏡蓮花錦不如
新鮮秋雨後搖映午風初
日與智人對天成君子居
餘波分濟止香遠徧郊墟

過熊背嶺

明李當泰

不厭三鴉嶺登臨性所欣
聞鐘知寺迥渡瀨覺溪分
草暗續河南通志卷之七十三
藝文志詩十

非無路山深半是雲前村
多虎跡籬落閉斜曛

秋晚遊石林

明李炳

柿葉紅山澗巖深隱數家
鴉鳴村日午鷺起野風斜
拂樹行幽徑沿溪坐淺沙
秋容已入暮處處綻黃花

避暑宮

明崔萬侶

百丈起離宮寒雲漫碧空
星辰凌閣道歌吹爽雲中
恍自冰山入那令火宅通
高歡何足道危坐對雄風

狄青墓

明侯尚恪

驅馬平原路荒墳土一堆
名猶存日月身已暗蒿萊
細雨牛歸暮愁雲雁過哀
躊躇懷古意欲去更徘徊

過太康

明彭尚綱

化美聞今日俗淳見古風遠懷吾土近真與是邦同故舊
周零外衣冠感慨中民興三代後况遇歲時豐

桐邱城

明盧春榮 扶溝

扶杖桐邱戎花時倚故園霸圖開古鄭遺跡遶寒溱戰伐
更前代鑿畊與後人清時忘帝力感極倒霑巾

霸臺春草

明王穉登

蓋世雄圖歇千秋戎壘存雲屯原此地草鞠已荒村宿莽
經寒燒平蕪帶雨痕誰憐爭戰處日暮有啼猿

百家巖

明秦祐

來禪漢帝塚隨上百岩岑月色中天地泉聲自古今苔文
前代石杯酒此時心賓主忘歸去臨流坐夜深

續河南通志

卷之七十三

藝文志 詩

十一

首山

明張寧 襄城人

海內名山入斯爲第一峯龍蟠拱北闕虎伏應南宗寺遶
白雲合洞深紫霧封石靈應駿發佳氣正葱蘢

再過月山寺

明胡汝嘉

泉聲出翠微蘿薜隱禪扉紅葉酣秋色黃花照客衣山空
雙鳥度天淨片雲飛更愛西峯勝林亭下夕暉

韓庄

明王鐸

不獨文章盛先生峻一身江山如許地唐宋幾何人月冷
孤墳暮花翻故宅春析城東去水嗚咽響麒麟

倉頡造字臺

明王鐸

至人恍欲見遺跡滿蒼苔木落蝌蚪在山深鴻雁來古書

燃晝夜舊鬼動蒿萊萬禩文明肇中天首獨回

安陽驍行

明 申涵光

日出月仍在人烟指驛亭霜畦浮曉白山霧失遙青童穉
遊難憶兵戈此再經追求民力盡一望草冥冥

雲陽寺

國朝 薛所蘊

曲棧盤深處綠雲見梵宮兩山青嶂遠一水綠蘿通磬響
傳虛谷嵐光混太空倦來依石坐謾謾下松風

虎牢關

國朝 王 庭

古來爭戰地設險有遺蹤削壁中開徑連岡上築壙出坡
多水嚙過雨卽泥封雙馬無相避應如穴鼠逢

七夕雨抵汜水縣

國朝 王士正

續河南通志

卷之七十三

藝文志

詩

七

玉門殘壘外云是古成皋濁浪喧牛口雄關逼虎牢青山
空楚漢白骨尙蓬蒿七夕風兼雨悲歌撫孟勞

次陝州

國朝 王士正

首春發京國秋氣忽蕭蕭路入山川險人歸萬里遙黃河
流砥柱白月下中條河上傳經叟仙踪不可招

春日遊觀音閣

國朝 金敬敷

春來躋梵閣風曉日初晴山色當簷入湖光蕩檻明斷雲
飛白浦踈柳映孤城下看經行處萋萋烟草生

南湖修禱

國朝 譚吉瑄

鶯花盈水曲聯騎踏平蕪烟景遙開合山容澹有無遊魚
翻碧藻飛燕掠新蒲莫道鄉關異風光似五湖

緱山廟

國朝 施閏章

不知黃屋貴揮手出塵氛野草沒丹竈天風來嶽雲荒祠
環嶂入仙樂幾人聞倘值浮邱子吾將鸞鶴羣

蟻尖岩絕頂

國朝 王玉麟

百折環崖路層霄一葉身穿雲登絕頂看水滴懸津渺望
誰云晉幽探此避秦平疇東嶺外寸寸繡文茵

錦溪菴

國朝 郭金甌

策杖尋幽徑忽聞上界鐘西山環翠障北嶺峙孤松荷盡
通魚路沙平印虎踪憑高時極目城郭有無中

墨竈寺

國朝 萬泰

欲探幽勝處不憚石蹊賒墨竈猶傳火紅蓮正發花遊魚
續河南通志

卷之七十三

藝文志

詩

七

穿水荷駙鹿臥灘沙預與山靈約開田學種瓜

汜水道中

國朝 呂履恒

巖色隨陵谷淒涼鄭虢間地連牛口峪天壓虎牢關驛路
全侵水城圍半在山汜南征戰地惟見鳥飛還

陝州

國朝 呂履恒

周召流風地登臨一望迷天隨雷首北日落大河西血土
銷龍戰清笳憶馬嘶函關形勝在古今未封泥

函谷關

國朝 呂履恒

樓堞連天起風塵接塞多關門臨碧澗山勢走黃河望氣
空千載封泥竟若何抵今同軌日午夜任經過

嵇侍中祠

國朝 呂履恒

西晉風塵際中原日月虧艱難滅頂意倉卒射肩時帝重
孤臣血天留萬古祠居人愛邱隴青草避春籽

垓下

國朝 呂履恒

萬古黃雲色風吹楚塞塵重瞳遺國士一劍謝佳人兄弟
情存沛河山約失秦還思觀壁上蓋世自無倫

朱仙鎮

國朝 呂謙恒

古鎮傳遺事行人駐馬思書生騰異說朝命喜班師遂使
中原棄翻成獄吏辭他年崖海曲志士共心期

安樂窩

國朝 呂謙恒

龍德應天民陶然盛世春曠懷者社外擊壤洛川濱風月
無邊潤圖書有象真巢由寧一轍萬古仰斯人

續河南通志

卷之七十三

藝文志

詩

古

黃河

國朝 盛朝組

極目三門險愁聞瓠子歌洪飈霾日月濁浪鼓鼉鼉浸水
青山小凌空白馬多自憐爲客久飄泊任風波

登汴城角樓

國朝 張文光

落日下層城蒼然遠樹平亂雲連嶽碧野火隔河明狐兔
盤深窟蒹葭冷舊京中原形勝地畫角起邊聲

將登銅雀臺過漳河

國朝 張宸

躍馬向三臺揚鞭漳水隈寒沙勢空濶獨鳥意徘徊舊磧
沉銅瓦秋風起霸才潺湲流不盡楓荻自悲哀

滎陽渡河

國朝 邱象隨

驛路傷新鬼心驚古戰場爭名連廣武分地限滎陽落照

林烟白吹沙野渡黃可憐天上水空爲客蒼茫

登元武臺望黃河作

國朝閻納

喜際澄清日臨風獨倚樓晴光涵北極素練繞中州砥柱
擎天立安瀾入海流行人爭古渡知是濟川舟

留侯洞

國朝劉光祺

浮名一已盡何事復人間欲識藏弓意無如辟穀閒息機
宜擇地此洞卽深山潁水年年綠東流去不還

陳思王墓

國朝陶澂

斜日罨高樹秋風生細塵可憐衰草地猶是建安人白屋
更新主青山結故鄰童叟雙檜在風雨各千春

秋日三門

國朝曹金

續河南通志

卷之七十三

藝文志

詩

五

碧落流鴻影瀟瀟滿目秋二毛人自老一派水空流形勝
分關隘勳名仰召周感君談治理民瘼重吾憂

轆轤關

國朝霍濬遠

古戍連烽火殘關何處家爭雄嚴虎豹攬勝問桑麻路迴
雲垂草山深雪覆沙野梅燒不盡春到發新花

天中山

國朝金鎮

孤嶼當城北登臨見大荒雲陰連楚甸山色入吳房百戰
餘殘壘千村祇夕陽土圭常不改影似昔時長

義陽道中

國朝金鎮

古道安昌邑春程冥阨關山傳九塞險地界二州間石磴
多迴折風塵獨往還白雲賢首出何日一躋攀

南波秋泛

國朝 周亮二

載酒南波去，霜林葉欲紅。澹烟疎柳外，小艇夕陽中。摘果開村老，叉魚鬧野童。亂雲吹盡處，遠岫欲相通。

秋登禹王臺

國朝 張養蒙

中原百戰後，寂寞贖荒臺。法雨僧還定，秋烟我獨來。錦迷春界樹，帘識野人醅。爲有平成績，千年俎豆開。

冬日過蔡順故里

國朝 李根茂

灌木蕭森地，相傳孝子村。荒藤今已朽，廢井幸猶存。曠野餘樵徑，高原帶燒痕。懷人延佇久，寒雀噪黃昏。

銅雀臺

國朝 郭治

臺閣連雲起，憑欄萬壑幽。川原入故國，風雨暗鄉樓。月冷續河南通志，卷之七十三，藝文志，詩，六。

芙蓉夜香銷，玳瑁秋興亡。千載事漳水，任悠悠。

漳河卽事

國朝 陶穎發

攬轡漳河畔，濤聲百里來。水侵南岸曲，沙壓北城隈。旅客尋舟渡，漁郎戴笠回。踟躕猶立馬，暮色隱三臺。

老子故宅

國朝 孫淦

不信玄門客，千年尚有家。靈符迷舊窟，竈竈繞空花。壁蘚青牛沒，闌樓紫氣賒。除前灰礫滿，何處認丹砂。

深秋集洹上草堂

國朝 李維世

野白雲時渡，林紅葉半髡。晴畦分菊蘂，寒沼護魚孫。蘇地堪跌坐，疏盤可聚論。醉閒歸晚舫，欸乃隔溪門。

渡漳河

國朝 計南陽

曉騎衝寒發漳河入望來晨光開浩渺微月隱樓臺水落
鳩鳴近秋深木葉催綺羅如在目回首不勝哀

顏魯公祠

國朝宋 學

春色當三月嘉遊向八關殘碑終剝落野水自潺湲
朱題綴堦前碧蘚斑高賢靈蹟在惆悵未能還

陳州懷思玉楮

國朝劉景耀

秋草城闌冷依稀帝子居才名推繡虎詩體擅黃初
疑銅雀陵迷暗玉魚登高一悵望日暮渺愁予

日暮柳湖

國朝萬如洛

好是蘆花岸夕陽一繫舟全湖皆佳畫獨樹已成秋
馴鴨群兒戲棲鴻別浦愁輝輝堤上月漸逐野塘流

續河南通志

卷之七十三

藝文志

詩 七

文雅臺

國朝宋 至

梁苑風流歇空餘文雅臺花時連步屐雨過長莓苔
小麥翻輕浪穠陰借古槐蕭閒一杯酒不獨憶鄒枚

昇仙臺

國朝呂士鷄

何日去函關遺風在此間紫烟猶隱現明月與俱閒
道德千秋重清虛一水還我來瞻柱下無計學躋攀

開元寺

國朝陳履中

碧水映招提相過碧草齊殿頭巢鶴鶴松頂掛虹霓
竹密難窺戶花開自作蹊高人能習靜爲借白雲棲

李空同先生故里

國朝屠又良

生幸當全盛朝烽不起烟直聲非一日詩價已千年松栝

垂丹檻蒸嘗繡綺筵每從階下過景仰自悠然

李氏園林同鮑元章作

國朝屠又良

別業依東郭幽尋晚更宜花香能醉客鳥語解催詩春老猶憑閨紅殘亦戀枝因思故山路遙與白雲期

過箕城寓適園

國朝鄒升恒

停車過小築好鳥隔牆聞翠竹濃於染黃梅淨吐芬庭空偏得月地迥可巢雲子弟宜高節休將伯始羣

晚望西陵寺

國朝郭天錦

驛路春風晚西陵駐馬看橫雲觸樹合落日帶烟殘草暗孤村靜燈明一水寒叢籬向掩映應是雨花聞

遊大吉寺

國朝閻夢湖

續河南通志

卷之七十三

藝文志

詩六

秋意晴無色禪關晚不封雲深棲野鶴天迥落寒鐘萬事貧能澹一身老更慵楞嚴清沙理疎豁到孤松

再遊黃華山

國朝蘇奕

黃華看不厭白露恰重遊菊秀香盈把岩深靜可留清疑甘谷水冷送晚籬秋何似陶元亮悠然豁醉眸

義林爲信吾翁戰亡作

國朝張鏊

世上誰無死乾坤重此身行人悲孝子汗簡表忠臣曩屢豐碑古雲烟野塚春千秋留浩氣碧血不腥塵

扁鵲墓

國朝蘇育

誰授長桑術軒岐一脉傳孤村留古墓野艾映平田風雨荒祠暮紆迴斷嶺懸此生常病渴伏謁意殷然

長葛晚行

國朝沈一荃

聯騎衝霄發鳴蛩四野聞蒼林懸片月碧漢澹疎雲荻葦
風徧細川原路不分南飛悲繞樹烏鵲自成羣

至雍邱

國朝沈一荃

野寺鐘聲動明河曙色寒輕裝戒徒旅短褐上征鞍戍古
啼烏亂林空落葉乾欲將行路曲悽切向君彈
皎皎霜華白靡靡道路長孤城上寒旭匹馬渡層岡撫劍
心猶壯聞雞思欲狂我懷在劉祖未忍學求羊

桃溪

國朝徐九章

君子懷幽致村中別有天小堂收野色疎徑補荒烟飯煮
霜前粟衣裁雨後蓮漁翁如未去同醉白雲邊

續河南通志

卷之七十三

藝文志

詩

九

題魏處士草堂

國朝鄂容安

華屋辭軒冕空山留姓名素槩托懷抱紗帽想平生舊畫
應難補新詩不易成草堂風月在林壑有餘清

鄭州道中

國朝許葵

僕射波南路鳴鞭入亂溪日光沉遠嶺水氣沒長堤急雨
霑牛目驚沙暗馬蹄欲投林際宿前路恐多迷

廣武山

國朝呂灋曾

高岡橫廣武四望夕陽開山抱黃河走風從沛上來寒花
霜際發野鳥磧邊回一片戰場地英雄安在哉

晚登孟亭

國朝杜俊章

返照遺墟在殘霞馬首東烟村連吠犬冥樹帶征鴻桐戍

橫雲暗漆流映月空歸途殊可慰長嘯起清風

文雅臺

國朝

劉德昌

天下崇文廟睢陽更有臺畏匡緣繼往習禮自開來亭敞倚清沼碑豐繡綠苔整容瞻聖像使我重徘徊

夜渡漳水

國朝

陳浩

一川分兩戒隔岸卽磁州月色照寒水霜華點敝裘榜人相見熟帆影片時收後乘遙相待停車古渡頭

過濬縣大伾山

國朝

陳浩

大伾山色好雲際落空青城堞遙相倚河流舊此經洞天開紫府竒字勒黃庭客路春風社田歌處處聽

過滑縣境未及尋畫肪齋

國朝

陳浩

續河南通志

卷之七十三

藝文志

詩

字

畫舫新書圖分明路可通地猶傳滑伯人自想歐公片石曾題處清游在望中誰知懷古意風雨恨匆匆

乙酉閏二月與諸子登吹臺作

國朝

陳浩

吹臺新柳色一葉一春風載酒多佳士追歡及老翁古人安可作吾道儻能同河嶽英靈氣蒼茫醉眼中

協忠廟

國朝

劉文蔚

嚙齒遺容在陰森廟貌深危疆留大節厲鬼有同心碧血飛幽草哀情啼暮禽到來瞻拜客雙淚盡盈襟

協忠廟

國朝

楊文淳

斗絕援兵外孤城百戰窮遺民咸慷慨裨將總英雄南作江淮障西成李郭功我來瞻廟貌霜氣肅晴空

八南陽郡

國朝嚴遂成

光武中興地披圖我素諸龍池星聚五鴉路鼎分三山勢
連商阪江聲劃漢南最多名士傳懷古輒停驂

續河南通志卷之七十三終

續河南通志

卷之七十三

藝文志

詩

三

續河南通志卷之七十四

藝文志

詩七律

天壇答馬少府

唐元稹

野人性僻窮深僻，
署官閒不似官。
萬里洞中朝玉帝，
九光霞外宿天壇。
洪漣浩渺東溟曙，
白日低回上境寒。
因為南昌檢仙籍，
馬君家世奉還丹。

仙遊觀

唐韓翃

仙臺初見五城樓，
風物凄凄宿雨收。
山色遠連秦樹晚，
磴聲近報漢宮秋。
疎松影落空壇靜，
細草晴香小澗幽。
何用別尋方外去，
人間亦自有丹邱。

續河南通志

卷之七十四

藝文志

詩

上陽宮

唐楊巨源

玉輦西巡尚未還，
春光先入上陽關。
萬水常承新雨露，
千官空對舊江山。
閑花寂寂宮城閉，
細草青青輦路閒。
獨見彩雲飛不盡，
祇應來往候龍顏。

送人過衛州

唐楊巨源

憶昔征南府內遊，
君家東閣最淹留。
縱橫聯句長侵夜，
次第看花直到秋。
論舊舉盃先下淚，
傷離流水更登樓。
相思前路幾回首，
滿眼青山過衛州。

將赴鎮過太康縣

唐薛能

纔入東郊便太康，
自聽何暮豈龔黃。
晴村透日桑榆影，
曉露濕秋禾黍香。
十萬旌旗移巨鎮，
幾多輓輓負孤裝。
時人

欲識征東將看取櫓槍落大荒

燹門乘舟至永城驛

唐薛能

秋賦春還計盡違自知身是拙求知惟思曠海爲休處忽
喜孤舟似去時連浦一程兼汴宋夾堤千柳雜唐隋從來
此恨皆前達敢負吾君作楚辭

蔡平喜遇河南馬判官話別

唐鮑溶

一事東軍征四年相逢且喜偃兵前看尋狡兔翻三窟見
射妖星落九天江上柳營廻鼓角河陽花府望神仙秋風
蕭颯喜中別白馬嘶霜雁叫煙

大吉寺

唐温庭筠

石路無塵竹徑開昔年曾伴戴顓來窻間半偈聞僧鼓松
續河南通志卷之七十四藝文志詩二

下殘碁送客回簾納玉峯藏夜雪砌因藍水長秋苔白蓮
社裡如相問爲說遊人是姓雷

題衛將軍廟

唐許渾

考序畧云將軍名遼陽義人神堯始建義旗遼備
行列泊擒竇建德逆時挾鎗劒前突後翼太宗顧
而奇之錄其功拜將軍宿衛及卒廟於荆溪之涓

武牢關下護龍旗挾槊彎弧馬上飛漢業未興王霸在秦
兵纔散魯違歸墳穿大澤埋金劒廟枕長流掛鐵衣欲奠
忠魂何處問葦花楓葉雨霏霏

汴河亭

唐許渾

廣陵花盛帝東遊先擘崑崙一派流百二禁兵辭象闕三
千宮女下龍舟凝雲鼓震星辰動拂浪旗開日月浮四海

義師歸有道迷樓還似景陽樓

登洛陽故城

唐許渾

禾黍離離半野蒿昔人城此豈知勞水聲東去市朝變山勢北來宮殿高鴉噪暮雲歸故堞雁迷寒雨下空壕可憐緜嶺登仙子猶自吹笙醉碧桃

送蕭處士歸緜山

唐許渾

醉歎烏帽髮如絲曾看山人一局棋賓館有魚爲客久鄉書無雁到家遲緜山近住吹簫廟湘水行逢鼓瑟祠今夜月明何處宿九疑雲盡綠參差

游石窟寺

唐劉滄

苔徑縈迴景漸分翛然空界靜埃氛一聲疎磬過寒水半續河南通志

卷之七十四

藝文志

詩

三

壁危樓隱白雲雪下石龕僧在定日西山木鳥成羣幾來吟嘯當朱檻風起天香處處聞

再過錦屏

唐呂岳

半空豁然雷雨收洗出一片瀟湘秋長虹倒掛碧天外白雲走上青山頭誰家綠樹正啼鳥何處夕陽斜倚樓道人醉臥石巖下不管人間萬事愁

過內黃縣

唐韋莊

相州吹角欲斜陽匹馬搖鞭宿內黃僻縣不容投刺客野陂時遇射鵰郎雲中粉堞新城壘店後荒郊舊戰場猶指去程千萬里秣陵煙樹在何鄉

寄陝州王司馬

唐姚合

家寄秦城非本心，偶然頭上有朝簪。自當臺直無因醉，一別詩宗更嬾吟。世事每將愁見擾，年光唯與老相侵。欲知居處堪長久，須向山中學煮金。

秋月望上陽宮

唐劉滄

苔色輕塵鎖洞房，亂鴉羣鴿集殘陽。青山空出禁城日，黃葉自飛宮樹霜。御路幾年香輦去，天津終日水聲長。此時獨立意難盡，正直西風砧杵涼。

龍門僧房

唐劉滄

靜室遙臨伊水東，寂寥誰與此身同。禹門山色度寒磬，蕭寺竹聲來晚風。僧宿石龕殘雪在，雁歸沙渚夕陽空。偶將心地問高士，坐指浮生一夢中。

續河南通志

卷之七十四

藝文志

詩

四

過繡嶺宮

唐崔塗

古殿春殘綠野陰，上皇曾此駐泥金。三城帳屬升平夢，一曲鈴關悵望心。苑路暗迷香輦絕，繚垣秋斷草煙深。前朝舊物東流在，猶爲年年下翠岑。

玉真觀

唐李群玉

高情帝女慕乘鸞，紺髮初簪玉葉冠。秋月無雲生碧落，素渠含露出青瀾。層城緬霧將歸遠，浮世風塵久住難。一自簫聲歸去後，洞宮深掩碧瑤壇。

早春送張坤歸大梁

英華作早春送唐大梁盧從事

羅隱

蕭蕭羸馬正塵埃，又送轡歸。一作軒向吹臺別，酒莫辭今夜

醉故人。知是幾時回。泉經華岳，猶應凍花到梁園始合開。

爲謝東門把關吏不堪惆悵滿離杯

武牢關

唐羅隱

楚人曾此限封疆不見清陰六里長一壑暮聲何處望數
峰秋勢白顛狂由來四皓須神伏大抵秦皇謾氣強欲學
雞鳴試關吏太平時節懶思量

抱螺臺

宋韓琦

環圃蕭疎有廢臺登高留客此徘徊幾年埋沒荒榛滿今
日崔嵬宴席開一境山川俱入眼重陽風物盡宜杯坐中
不勸猶當醉菊蕊浮香似撥醅

駕幸金明池

宋韓琦

西池風景出塵寰春豫方乘禁座閒庶俗共令趨壽域從
續河南通志

卷之七十四

藝文志

詩

五

官齊許宴蓬山樓臺金碧交輝外舟楫笙歌浩渺間與衆
盡歡宮漏促萬花叢裏屬車還

愁臺

宋梅堯臣

顏垣斷塹有平沙老木荒榛八九家河勢東南吹地坼天
形西北倚城斜傾壺語罷還登眺岸幘詩成却嘆嗟萬事
因循今白髮一年容易卸黃花

寄題相州榮歸堂

宋歐陽修

白首三朝社稷臣壺漿夾道擁如雲金貂爭看真丞相竹
馬猶迎舊使君豈止軒裳誇故里已將鐘鼎勒元勳不須
授簡樽前客好學平津自有文

赴集禧宮祈雪

宋歐陽修

琳闕岩峇倚瑞烟憶陪遊豫入新年雲添曉日開宮殿水
瀾春風颺管絃千騎清塵回輦路萬家明月放燈天一朝
人事淒涼改惟有靈光獨巋然

和子由二首

宋蘇軾

大昊祠東鐵墓西一樽曾與子同携回瞻郡閣遙飛檻北
望檣竿半隱堤飯豆羹藜思兩鵠飲河喫水賴長蜺如今
勝事無人共花下壺盧鳥勸提書或欲上巖然洛誦八
長明燈下石欄杆長共杉松闔歲寒葉厚有稜犀甲健花
深少態鶴頭丹久陪方丈曼陀雨羞對先生苜蓿盤雪裏
盛開知有意明年開後更誰看

不平遊玉津園秦大聖調刀磨扇是蘇木蘇軾心案

續河南通志卷之七十四 藝文志 詩 六

承平苑囿雜耕桑六聖臨民計慮長碧水東流還舊派紫
壇南峙表連岡不逢遲日鶯花亂空想疎林雪月光千畝
何時窮帝藉斜陽寂歷鎖雲莊

澠池懷古 宋蘇軾

入生到處知何似應似飛鴻踏雪泥泥上偶然留指爪鴻
飛那復計東西老僧已死成新塔壞壁無由見舊題往日
崎嶇還計否路長人困蹇驢嘶同費回觀

重陽登靈山

宋蘇軾

俯窺盤谷接天壇平地危峰豈易攀齧足斷來矜海外天
星落處化人間世塵烟没誰常到樽酒登臨我倦還歲歲
那民重九會孟嘉休獨羨龍山

次韻椰子玉過陳絕糧二首

宋蘇軾

風雨蕭蕭夜晦迷不須嗚叫強知時多才久被天公怪闕
食惟應鬢婦知社叟挽衣那及脛顏公食粥敢言炊詩人
情味真嘗遍試問於今底處虧

如我自觀猶可厭非君誰復肯相尋圖書跌宕悲年老燈
火青熒語夜深早歲便懷齊物志微官敢有濟時心南行
千里成何事一聽秋濤萬鼓音

宋陳州與文郎逸民飲別攜手河堤上作此詩

題官共許田園與水滸衣冠劉彭鳳殊曾
宋蘇軾

白酒無聲滑瀉油醉行堤上散吾愁春風料峭羊角轉河
水渺綿瓜蔓流君已思歸夢巴峽我能未到說黃州此生

續河南通志

卷之七十四

藝文志

詩

七

聚散何窮已未忍悲歌學楚囚

白題傅欽之草堂

宋蘇軾

微官共有田園興老罷方尋隱退廬栽竹成陰十年事倉
皇求買萬金無先生卜築臨清衛喬木如今似畫圖隣里
亦知偏愛竹春來共與護龍渠

疎茅卜築十年心碧草幽堂曲徑深平地明珠流曉色一
林寒玉鎖秋陰稔知好景無時有盡把新詩對此吟却憶
杜陵江上嘆汽紗憔悴不如今

食柳湖久無水悵然成詠

宋蘇軾

平湖水盡起黃埃惟有長堤萬萬栽病鶴摧頽沙上舞游
人寂寞岸邊迴秋風草木初搖落日暮樵蘇自往來更試

明年春絮起共看飛雪亂成堆

宛邱二詠

宛邱城西柳湖累歲無水開元寺殿下
茶一株枝葉甚茂亦數年不開轍向從手
瞻遊此每以二物爲恨去秋雨雪相仍湖中春水
忽生數尺至二月中山茶復開千餘朵固作二詩

奉寄

宋蘇轍

早湖堤上柳空多倚岸輕舟奈汝何秋雨連渠添積潤春

風吹凍忽生波蟲魚便爾來無數鳧雁猶疑未肯過特詫

錢塘應笑我坳中浮芥兩么麼

古殿山花叢百圍故園曾見色依依凌寒強比松筠秀吐

豔空驚歲月非冰雪紛紜真性在根株老大衆圍希山中

草木雖携種潦倒塵埃不復歸

宋邵思雍則手

續河南通志卷之七十四藝文志詩八

秋入山河氣象雄不堪閑望老年中金蘭契重思無限手

足情多感未終半局殘棋銷白晝一簪華髮亂西風唯君

父子相知久松桂心同色更同

宋黃庭堅

今年畚鍤棄春耕折葦枯荷繞壞城白鳥自多人自少汗

泥終濁水終清沙塲旗鼓千人集漁戶風煙一笛橫唯有

鳴鴉古祠栢對人猶是向時情

春霽憶洛陽

宋韓維

少年結客洛陽時閑傍東風駐馬蹄山色遠饒潘岳宅波

光輕撼窈娘堤花繁到處江如堵酒好尋常醉似泥頗有

金臺舊知已應憐魂斷虎牢西

遊趙氏西園

宋張詠

蜀中春豔世間疎，比並陳園恐未如。
數里花光浮暎日，六街塵淨見香車。
翻空雅樂催歡處，入格新詩上板初。
方信承平無一事，淮陽閒殺老尙書。

太昊遺墟

宋張耒

千里垂精帝道尊，神祠近在國西門。
風搖廣殿松杉老，雨入修廊羽衛昏。
日落狐狸號草莽，年豐父老薦雞豚。
舊遊零落今誰在，塵褐蒼茫字半存。

龍潭寺

宋趙宗傑

欲覓龍潭何處是，青山影裏見浮圖。
紅蕖映日真花藏碧，水涵天瑩玉壺已放源。
流通北海未饒風物說，西湖侍中續河南通志。
卷之七十四藝文志詩九

庵外多閑地，容我他年卜築無。

宿延慶觀

宋錢昆

水繞門墻竹繞堂，滿窓春綠更山光。
坐來苔蘚侵衣潤，吟處松花落硯香。
汀鷺雙雙翻亂石，溪風裊裊弄修篁。
游人暫得幽閑趣，時帶茶煙下上方。

裴公亭

宋孫翥

太行王屋群峰上，秦晉關河望處分。
猿鶴幾年懷舊隱，乾坤百載重儒勳。
龍歸洞府春將雨，僧過浮橋曉度雲。
萬里中原無事日，不妨尊酒細論文。

楚漢戰處同欽叔賦

宋元好問

虎擲龍拏不兩存，當年曾此賭乾坤。
一時豪傑多行陣，萬

古山河自壁門原野猶應厭膏血風雲長遣動心魂成名
豈子知誰謂擬喚狂生與細論

頽亭

金元好問

頽上風煙天地迴頽亭孤賞亦幽哉春風碧水雙鷗靜落
日青山萬馬來勝概銷沉幾今昔中年登覽足悲哀遠遊
擬續騷人賦所惜德德無酒杯

登林慮南樓

金王庭筠

殿閣偏宜落照間倚天無數玉潺湲黃華墨竈知名寺荆
浩關全得意山遊子也如紅樹老殘僧偶與白雲還人生
見說功名好不博南樓半日閒

汴梁

金李文汾

續河南通志

卷之七十四 藝文志 詩

十

琪樹明霞五鳳樓夷門自古帝王州衣冠繁會文昌夜旌
戟森羅武庫秋美酒名謳陳席座凝笳咽鼓送華輶秦川
王粲何爲者憔悴巖塵嘆白頭

嵩山承天谷

金趙秉文

煙霞直上逍遙谷路轉山腰咫尺迷已覺洞天分聖境更
疑石磴是仙梯霜添紅葉黃花好天與金壺玉柱齊醉倚
西風正南望暮雲烟草一時低

上蔡懷古

元傅汝礪

上蔡城頭黃葉多聞雞看劍起長歌徒憐丞相東門犬猶
憶將軍半夜鷄村底衣裳霖霧雨馬前燈火動星河涼風
滿路吹行鐸那似金門聽玉珂

謁韓墳

元許有壬

考譜披圖總未真兩廼親得拜公墳降神生作三朝相聚
氣噓爲五色雲宅兆發祥符厚德碑銘無愧有奇勲憑高
更欲推形勢遠樹寒雅滿夕曛

雲驥橋

元湯禮鼎

橋頭車馬正喧闐橋下帆檣見畫船絃管隔花人似玉樓
臺近水柳如烟地連秦晉通三市路入濠淮接九天獨倚
欄杆望宮闕翠微高映五雲邊

登熙春閣

元王人憚

封邱門外故宮傍天闕空餘內苑荒瀛海夢空三島没帝
城烟鎖五雲蒼石鯨照水鱗猶動金鳳凌雲勢欲翔奇貨
續河南通志

卷之七十四

藝文志

詩

七

梁園當日盡爲誰留在闕興亡

青岩諸山

元王三憚

漠漠寒山隱隱鐘迢迢石磴接諸峰支筇欲下人如鳥攬
轡先登馬似龍蒼峪雨添溪確急青岩雲護水簾重徘徊
讀盡磨崖記却笑無能繼後踪

題南陽諸葛廟

元周伯琦

劍江流水綠云云五丈原頭日又曛舊業未能歸後主大
星先已落前軍南陽祠廟荒秋草西蜀關山隔暮雲正統
不慚傳萬古莫將成敗論三分

蕩陰道中

元杜三瑛

城連蔓草就坡陀匹馬元黃兩鬢皤兔穴廢塲新事改燕

巢老樹舊思多稽林鬼物防幽棘羨水天風鼓恨波顧我
本非塵土客雲山隨意聽高歌

遊硤峪山

元高書訓

擇勝何年著梵宮日窮猶未盡重重翠紅照耀三千界屏
嶂週圍十二峯雪澗清泉響寒玉雲巖喬木捲蒼龍尙憐
不盡登臨興天際危亭見五松

洛陽懷古

元劉質

攬轡登臨感興濃東都形勝古來雄兩關地扼東西外一
氣天分子午中雲淡嵩邙高塚在水流伊洛故城空銅駝
陌上思前事落日惟聞牧笛聲

太清觀

元丙吉

續河南通志卷之七十四

藝文志

詩

三

玉川佳處太清家林宇幽深靜物譁五夜金盤明曉露九
重絳闕燦朝霞休驚老鶴來華表且聽了童唱撒花今夕
碧梧枝上月只應偏照客星槎

春暉堂爲武陟趙太守賦

元迺賢

使君未老竟投簪新築華軒並故林寸草不忘東野念九
泉猶慰北堂心窓浮海色旌雲薄日轉花陰午漏深展卷
令人心獨苦蓼莪久廢淚霑襟

題天壇

元宋德方

白石磷磷上接天青松鬱鬱下臨淵草生福地皆爲葯人
在名山總是仙待客遠尋岩下蕨烹茶滿酌洞中泉身前
疑是白雲子今日重來臥翠巖

遇仙樓

元劉祁

倚天突兀聳高樓樓上人家白玉鈞落日笙歌迷汴水春
風燈火似揚州仙人已去名空在豪客同登醉未休獨倚
朱闌望明月鸞旌依約認重游

中牟曾令祠

明于謙

長民曾羨魯公賢民物熙然各遂天境外遺蝗徒擾擾桑
間馴雉自翩翩閭閻風俗猶前日史傳聲華紀昔年寄語
郎官勤撫字循良衣鉢要人傳

贈崔後渠還鄴

明邊貢

盧龍山畔菊花明一片歸帆五兩輕風起花林多散葉日
斜江雁帶離聲尊前舞袖娛親志牘裏封章報主情六館
續河南通志卷之七十四藝文志詩 三

有人爭詣闕願從天子乞陽城

明薛瑄

陝州抵沙澗渡

明薛瑄

重岡高下近宏農北首鄉關喜氣濃三晉雲山秋色裏兩
河烟樹夕陽中棄繻誰識當年客操築應無舊日翁遠岸
急風吹大舫令人却憶濟州功

襄城懷古

明薛瑄

連村綠樹近襄城駐馬郊原眼界明汝水似環流處碧首
山如案望中平具茨每笑莊生誕掛劍常高季札名佳句
獨思韓吏部太平今已息天兵

乾明寺紀遊

明邵寶

峰有烟霞澗有泉此中佳景是天然山窮西北翻稱首寺

背東南却號乾三里到城如隔世八年爲郡幾參禪題詩
不盡登臨興分付緇流莫浪傳

秦來臨頰懷古明並遜中原明賈詠

偶從十里駐郵亭獨立東風弔古城頰谷峰連雲樹杳石
梁水出浪花清河名鄧艾田空有碑仆繁昌草自生惟有
商橋千古恨緬懷忠義不勝情

早聞宿福昌寺明今日遊遊言思韻何出明何景明

小院深沉夜半時客懷無寐更誰知疎窓紙隙隙風如箭塵
榻衾寒雨似絲靜聽生公談佛法偶題坡老和陶詩曉來
策馬匆匆去漫欲留衣慰遠思

水過朱仙鎮明李夢陽

續河南道志卷之七十四 藝文志 詩 古

水廟飛沙白日陰古墩殘樹濁河深金牌痛哭班師地鐵
馬驅馳主心入夜松杉雙鷺宿有時風雨一龍吟經行
墨客遺詞賦南北凄涼自古今

水遊盤谷有感明岳正

早聞盤谷序昌黎今日追遊信馬蹄河出孟門知地險山
連王屋覺天低時當春暮花爭放路入雲林鳥亂啼高處
不堪頻北望邊城猶未息征鼙

過鴻溝明康海

秦家鹿走蕩煙塵並逐中原列戰雲漢鼎綿長天已定鴻
溝咫尺許誰分山銜頰壘埋幽徑樹捲殘霞映晚曛千古
英雄招未得只留野老寄風聞

送趙戶部出守淮陽

明 李攀龍

仙郎起草漢明光，幾載軍儲事朔方。
五馬新爲淮海郡，三臺舊署度支章。
行車麥秀隨春雨，臥閣花深對夕陽。
時憶上林詞賦客，鴻書遙下楚雲長。

宴集表臺

明 徐中行

表臺高出頰儒林，叅佐乘春此盍簪。
自得范滂惟畫諾，不妨羊祜數登臨。
嵩山近挹真人氣，汝水深知傲吏心。
倒著接罹從俗笑，使君今已二毛侵。

揲菴壇

明 王業榮

高臺突兀接荒城，風雨年年蒼草生。
鳳尾飄蕭雲氣濕，龍頭夭矯露華清。
重瞳此日升雙闕，一本何時滿百莖。
安得續河南通志，卷之七十四

藝文志

詩

五

神龜常守護，靈根直擬獻承明。

宛邱署中

明 吳國倫

列騎中原問俗遊，淮陽風物古名州。
花間雨過檐帷爽，竹裡雲生署閣幽。
封建總非三恪舊，絃歌猶自十賢留。
乾坤未盡銷兵甲，無力能分聖主憂。

元日過太康

明 吳國倫

宛邱椒花不成頌，陽夏柳葉難爲春。
浮家兒女更離索，畏路衣冠徒苦辛。
元日詩從旅食就，百年愁積顛毛新。
殷殷村鼓發何處，馬上逢人非所親。

龍泉觀訪許鍊師不遇

明 杜濬

策杖携書特訪君，空堦人靜犬當門。
燒丹爐內灰猶煖，洗

藥池中水尚渾無數鳥鴉盤樹杪幾枝碧笋迸籬根不知何處尋靈藥獨立無言對夕曛

登銅邱賦 杜十紹

廿年不入銅邱路徂暑時因車馬來翠蓋陰團虛閣爽野花香細亂山廻自知真隱須巖壑始信英雄困草萊白髮

蕭蕭日又莫乾坤終古此高臺

宋史 徐卽登萊

宋代諸陵何處尋鄂王祠廟肅陰陰金牌詔數催和急鐵

騎塵高轉戰深知過二桃三字獄冤含六檜萬年心英雄

遺恨今猶在長護中原壯帶襟

陳王謨

續河南通志 卷之七十四 藝文志 詩 七

宛邱郭裡遍秋華一水橫橋荻岸斜初日魚龍恬翠浪輕

風鸛鶴舞平沙城頭煙吐千家樹堤口晴吞萬頃霞野立

天空秋興遠疑從碧漢弄仙槎

謝對榛

薜衣草屨離塵氛曳杖日隨猿鳥羣已黃未黃老樹葉欲

動不動空山雲擬招作賦班內史兼有寫經王右軍太乙

池頭共清酌嘯歌莫遣人間聞

明 謝對榛

遙向蓬壺探海月謾扶藜杖嘯天風路盤翠碧千層上人

在蒼茫萬點中王母鸞歸深洞閉軒皇龍去古臺空憑虛

極望斷消息柿葉滿巖秋自紅

春日洹上閒居

明謝榛

芳草洲邊春水生，蒼茫霽色動柴荆。
風吹楊柳幽人臥，日上梨花獨鳥鳴。
泉石自能忘俗事，壺觴聊復寄閒情。
千年好憶東方朔，金馬能兼大隱名。

安樂窩

明秦金

誰築行窩古澗濱，衣冠猶見宋遺民。
皇王帝霸經綸妙，濂洛關閩統緒真。
心澄檻前靈竇水，神遊花外小車春。
茫茫後學空山斗，惆悵臨風一薦蘋。

春日遊大道宮

明李青濂

仙闕岩堯紫氣分，洞天縹緲玉笙聞。
嵩山道士留丹竈，南嶽夫人駐綵雲。
瑤草石壇春漠漠，桃花溪路水沄沄。
徘徊續河南通志，卷之七十四 藝文志 詩 十七

不盡尋真意，徒倚松門對鶴羣。

董丈載酒過月山寺

明趙用賢

雲空極目莽蕭蕭，靜掩柴扉對沃漻。
雙騎影傳青旆轉，一聲歌動白雲遙。
鄴中作賦推公幹，河內飛鳧識子喬。
幸有淹留賢地主，不將岐路嘆飄飄。

水峪寺

明王明汲

藤蘿深處有山門，隔斷塵喧耳不聞。
石點青苔常帶雨，岩飛白練忽騰雲。
噴噴古木凝新靄，遠近危峯挂夕曛。
長嘯鳳鸞聲未已，山林廊廟可平分。

仙臺秋月

明劉昌

層臺獨上意如何，長夜聞人禮大羅。
鶴駕不逢秋色老，鸞

笙孤起月明多香爐近濕生苔蘚古樹驚寒落薜蘿恍在
玉壺水露裡興來催得動高歌

古柘

明 劉承咸

朱襄城畔草萋萋遠客南來望欲迷幾處寒塘秋水在數
家茅屋夕陽低荒陵不必嗟曹操古墓何須辨夏姬往事
悠悠只如此隔林空聽鶉鴉啼

江明府新建古函關志喜

明 郭顯極

荒臺再整舊城闌象闕高懸統水濱不謂聲名追二陝還
成形勢控三秦簷楹星燦郎官邑鈴柝風清驛路塵莫更
臨關問仙侶鳴琴人卽著經人

洛城晚眺

明 張含美

續河南通志 卷之七十四 藝文志 詩 十

戍樓獨倚思茫茫雨霽寒煙接大荒背郭午橋喧野渡連
雲甲第八斜陽林封谷口紅霞燦水澈厓根白練長畫角
一聲起何處空驚雁影下陂塘

城外千山冷翠微城中萬戶搗秋衣渚煙漠漠連荒甸塵
海勞勞競夕暉落葉亂隨流水去閑愁空逐野雲飛憑高
不盡悲秋興露下霑襟帶月歸

詠懷古跡

明 王惟儉

槌鼓高城曙色分夷門猶憶信陵君片符北逐叢臺月萬
甲西摧函谷雲何處鼓刁迷舊市有人酌酒泣荒墳古來
豪客無聊意喚取雙蛾醉夕曛

再登黃華

明 李 畫

五月黃花此復來天清雨霽畫圖開珠簾不捲高歡殿寶鏡長懸王母臺仙洞千秋深碧草僧房隨處滿蒼苔此身祇許閒中老不向人間賦七哀

將城卽事

明魏開之

秋老郊原黃葉稀山雲漠漠雨霏霏村當南浦煙林迥地接西山峻嶺圍救趙將軍曾駐節破秦公子久忘歸憑誰樽酒論今昔故壘蕭條事已非

秋日登闕伯臺

明侯恪

闕伯臺高遠瞰城霞天萬樹倚孤清我來正值鴻初到風至不堪葉在橫兔苑煙深村巷寂武陵花盡野溪晴登臨剩有筇枝健五岳何須愧向平

續河南通志

卷之七十四

藝文志

詩

九

遊林慮山

明閻爾梅

龍頭山抱曲山橫城在深山不見城古院錯題王母墓殘碑猶載黨人名花寒四月冰霜互瀑響千巖虎兇驚吏騎飛傳肴酒至酣攜玉女上天平

西華橋風雪甚大主人出酒相留詩以志之

明閻爾梅

古來文獻著中州伏墓

卽太昊陵

殷高宗陵

處處求負版繪人

堪將相輟耕傭者笑王侯疲驢碎走冰藏路凍雀低飛雪上樓橋畔西風漁酒在不須輕典鷓鴣裘

過七步

步在陳許城東卽曹子建墓地

明閻爾梅

籀篆螭碑一路穆山川憑借古人留中原繡虎曹陳郡南

國荒雞祖豫州金石精華開氣數漁樵文字發冬秋無家
莫作窮愁看晚歲功名是浪遊

平淮西碑

國朝 鄧漢儀

雪夜功成罷鼓鞀昌黎碑版照淮西文章何意開讒妬婦
女偏能竊品題易代磨崖爭日月當年奮筆掃鯨鯢只今
蒼碣斜陽外頻見遊人駐馬蹄

雨後遊箕山

國朝 傅景星

東郊細雨濕征衣蹬道盤廻入翠微寺古無僧花自發松
深有路鶴先歸寒泉聲裡聞清梵危石橋邊淡落暉十載
心期今赴約相逢莫漫又成違

木蘭祠

國朝 徐作肅

續河南通志 卷之七十四 藝文志 詩

二

遠郭東南孝烈祠木蘭桑梓記隋時倉皇戍檄催窮老慷
慨中閨有健兒鐵甲擐來雜佩冷鸞書絕去令威遲千年
血食瞻靈爽伏臘金支宛宛披

鄴下懷古

國朝 申涵光

漳南落水遶寒雲野雉昏鴉魏武墳不信繁華成白草還
將歌舞囑紅裙西園亂石來三國古瓦遺書認八分七十
二陵空感慨至今誰說漢將軍

隋堤

國朝 侯方域

隋家天子綠楊堤萬里春風野鳥啼幾處吹簫雲漠漠經
時拾翠草凄凄龍舟想像牙檣入綵綉虛無簇仗齊寂寞
宋城南向望老人獨自杖青藜

弔明副使毛公

國朝張英

鎮雲邊月鎖津樓烽火飄飄四塞愁一片丹心恒嶽壯滯
腔碧血大河流身殲鋒鏑當臣辱魄落泉臺戀主憂板蕩
誰維三百載天教亮節賁千秋

榮澤渡河

國朝王士正

西湖岷峩萬里長大河北去渡榮陽平分兩戒廻中岳直
下三川阻太行咫尺風雷迷廣武蒼涼曠日射扶桑時清
久失成臯險曬酒黃流弔戰場

送施愚山遊嵩少

國朝王士正

祖道青門秋氣深川原楓葉亂寒砧嵩雲落日遙相憶魏
闕江湖共此心八節灘高晴亦雨三花樹古畫長陰潁陽
續河南通志卷之七十四藝文志詩三

歸去名僧社却聽微鐘憶少林

寄張獻彤鄴中

國朝王士正

聞君顧頡魏王城地是黃初歲月更應阮不來風景盡山
川如舊水蕪平池空鄴苑花猶落春到銅臺草又生此地
從來易憑弔試磨殘瓦待題名

賈太傅祠

國朝汪楫

端賴吳公說賈生少年猶幸早成名蕭曹有命稱賢相絳
灌何知只老兵學到離騷難作達人能痛哭豈無情遭逢
如此還淪落遺像空留夾馬營

洛陽

國朝梁佩蘭

客居寥絕少人尋只有詩曾共少林中嶽氣生朝日濕

河聲應夜鐘深瓜分地勢蟠如腹尺度天文界在心無版
輿亡無可說一春閒對牡丹吟

洛陽懷古

國朝 吳 父

天中貯鼎自前周形勝真乘萬里優龍首西通子午谷鴨
頭東下甲庚溝茫茫冠蓋松杉積渺渺樓臺月霧浮惟有
大河將洛水年年無恙作長流

玉門古渡

國朝 禹殿鰲

錦陽一派近河濤古渡遙傳是玉門不見靈樁勞使客空
教芳草憶王孫風濤日落三川口蘆荻烟橫兩岸邨破釜
投鞭俄往事幾聲漁笛亂黃昏

卓太傅驅蝗處

國朝 何 鼎

續河南通志

卷之七十四

藝文志

詩

三

遺踪猶在不能忘此日還思漢代良聞說神君曾渡虎又
傳太傅竟驅蝗野田到處登禾黍循吏由來動廟廊蘋藻
至今存伏臘土人遙指碧流傍

葛仙翁擺盞池

國朝 何 鼎

曾聞鍊藥倚深潭爲愛竒踪且往探一自仙翁能守黑至
今池水盡拖藍烟霞有地留丹訣塵世何人叩石函勞吏
風塵愁欲去白雲回首正多慙

夷門

國朝 湯發祥

重過夷門憶昔時侯生擘畫計良竒談兵氣壓三千客救
趙心輕十萬師滾滾黃塵長黯淡蕭蕭冷雨更凄其卽今
年少耐恩俠投劍徒悲有所思

夷門

國朝 湯然

夷門駐馬立踟躕烈士遺踪尙有無公子若非虛左騎侯
生祗合老窮途風吹汴水秋笳咽木落空城塞雁呼日暮
殘紅熏野草十年頸血灑平蕪

定靜巖

國朝 白南金

山控禪房晝掩扉香銷經卷客來稀雲開孤刹收殘雨天
隔巉巖澹落暉寶磬聲連空谷響松花影帶慧泉飛探碑
欲問當年碣萬壑僧扶一杖歸

宿青頭寺

國朝 楊蔚

名山盤鬱萬峯廻峽底村原指顧開古樹呼風鐵馬動危
崖飛瀑玉龍來松聲颯颯和清磬鳥跡紛紛點綠苔暝色
續河南通志 卷之七十四 藝文志 詩 三

漸從林外入歸雲堪薦野人杯

倚陽砦

國朝 萬化

孤壘凌空萬仞崇谿盤一線入雲中參天古木鵬巢迥摩
斗垂崖魅穴通鐵鏃何年樵子拾金芝此處道人逢振衣
偶爾舒長嘯颯颯罡風霧雨濛

珍珠泉

國朝 王文紳

萬壑林紅秋雁低一泓澄徹鄴城西泉光平吐霜丸冷泡
影同生玉粒齊自有地靈開水鑑誰知寶母闢珠谿茶烟
小艇看山色何必登遊杖短蓑

高平渠

國朝 徐開錫

春城西去亂鶯啼一帶橫塘碧草萋曲曲斜疏竹箭水涓

涓分漑稻花溪間來載鶴看青嶂喜見驅牛下綠畦
漕艘都北發洄波盡許入芳堤

鄴中懷古

國朝朱竹

殘楊衰柳鄴城陰洄上清流自古今
片石紀功誇北史三臺遺瓦重南金
英雄末路分香語骨肉甘心煮豆吟
何處擣衣聲最急茫茫餘恨滿秋林

秋日登吹臺

國朝湯右曾

浩劫曾傳幾兵火此臺百尺猶嵯峨
誰其遊者杜高李四顧封中淮濟河
八月九月秋景澈令人古人遺恨多
草黃騏驎爾且病木馬不食行如何

趙豐原太守招遊龍門香山

國朝湯右曾

續河南通志

卷之七十四

藝文志

詩

西

寶游聯騎出城闔山水佳時氣色新
底用清商隨一部不須明月作三人
餘霞似綺連嵩少殘雪如花舞洛濱
多謝風流賢太守十分先借水邊春

郊縣阻雪不得謁蘇公墓

國朝湯右曾

江河萬古會同流天半峨眉汝水頭
長恨身官坐磨壩空懷歸計老菟裘
黨人遺籍悲他日瘴海餘生盡此州
蘋藻墓門思一拜亂山風雪閉松楸

牟山

國朝蘇弘祖

牟峯突兀俯諸山四顧微茫杳靄間
曉日欲昇先頰色宿雲流盡忽蒼顏
遙村錯落青千點古木陰森翠一鬟
神與天游時極目御河影裏舳艫還

大梁懷古二首

國朝 李肖筠

簾幙千家正寂寥
客愁孤館醉蒲桃
監門市上傳虛騎
屠戶墳邊說鼓刀
拜月老狐遊古堞
翻風寒雁下空壕
夕陽鐵塔亭亭影
幾畝平田亂楚蒿

層閣孤聳勢崇隆
世代滄桑感慨中
羆虎干戈新帥府
魚龍波浪舊王宮
繁臺僧臥停雲白
良嶽樵歸落照紅
穴地貧兒覓金寶
得來只似楚人弓

聞相國寺鐘聲

國朝 鄂容安

堆案文書縱復橫
蓮花漏靜夢難成
刻殘高燭剛三寸
撞破浮雲忽一聲
頓覺意隨香界遠
了然心共月華明
閑房可有僧如滿
與我涼宵證此情

續河南通志

卷之七十四

藝文志

詩

五

洛陽

國朝 商 盤

懷古曾停攬勝車
大梁佳麗近何如
婆婆九老衣冠盡
睥睨中原戰鬪餘
洛水嵩雲春浩浩
漢陵宋闕晚蕭蕭
疎夢華好續東京錄
長使興亡感廢墟

客汝州偶憶故明孫督師事感而有作

國朝 茅 逆

發言當日嘆盈庭
司馬匆匆此處經
地出雄關飢將士
天留群盜毒生靈
百年襄郟愁雲黑
九月穀函戰血青
惆悵柿園淫雨後
斜陽無語滿郊坰

協忠祠

國朝 湯 溥

秋風獵獵協忠祠
毅魄英魂欲見之
百戰不聞靈武詔
千

秋遺恨，賀蘭師殘垣落日，圍衰柳。古堞寒雲擁大旂。

春日天中南海

國朝 張御採

一泓春水涌香臺，縹緲金仙海上來。地僻軒楹花雨過，天晴鐘鼓法雲開。荒碑綠蘚空堦柳，古殿青封舊日苔。聞道王孫此乘興，清歌寶瑟坐蓬萊。

壺仙觀懷古

國朝 李根茂

壺仙觀傍汝之涯，魏帝南征駐翠華。鐵騎夜嘶淮海月，牙旂朝捲朗山霞。頽垣歷歷落生秋，草老樹陰森噪暮鴉。却憶當年開宴日，栢梁高詠亦堪誇。

金明池懷古

國朝 張開第

續河南通志 卷之七十四 藝文志 詩 三

當年習戰鑿金明，未展雄圖國已更。南土不聞歸正朔，西池空自傍都城。參差水殿張龍繖，多少詩人狎鷺盟。一望蘆洲兵棹啟，更無散角動秋聲。

金明池懷古

國朝 張文莊

綠縵春波半遶城，土人指點說金明。西郊空闢湖千頃，南國全收水一泓。沙裏有時尋折戟，烟中何處問行旌。惟餘幾曲滄浪笛，遙續當年唱凱聲。

梁園

國朝 劉文蔚

帝子遺封傍大河，兔園陳跡久消磨。鄒枚麗句風流在，勝詭狂謀感慨多。鳧渚但生新碧草，雁池無復舊清波。千秋不少游梁客，授簡難逢自放歌。

驕王未解辨忠好縲絏無端厄兩賢
讒口不知和壁貴
臣却賴死灰然平臺結勝終歸盡
覆道成空枉自專
休問耀華前日事揚門東望渺寒烟

黃河

國朝 張維圖

崑崙屈注自迢遙斜界中原水
一條四瀆之中雄作首
三門以下勢尤驕鯨噴浪雪長空濕
鼉吼晴雷大地搖
獨有龍圖能獻瑞還隨苞玉貢天朝

木蘭祠

國朝 陳文組

聞說蛾眉勇冠軍彎弓躍馬建殊勲
十年血戰生全父一片貞心死謝君
別有英稱崇廟號不勞彤管寫靈芬
西川更憶黃崇嘏千古雙奇武共文

續河南通志

卷之七十四

藝文志 詩

七

春日亦園

國朝 萬如洛

柴門却喜冷於水拂面紅塵到未能
柳樹橋邊來短笛梅
花屋裏出清燈青吟野浦風前草綠看閒田
雨後腔輪翅猶輸鸞鶴健白雲飛上最高層

冬日望蘇亭

國朝 吳履坦

城隅秋望欲淩迷湖水空明繞故堤
霜色半催紅葉老
天光倒映白雲低
莎深曠野亭難問
園闌西陵事莫稽
蘇子書臺嶙嶙廢
枯楊枝上有烏啼

謁明道夫子祠

國朝 王應佩

十二年前京邸夢尋源
伊洛若神交
先生此地曾游刃
小子何緣忽代庖
遺像一堂垂綈履
高臺百尺俯青郊
瓣香

低首懷疇昔繞檻春風拂柳梢

已丑春夢
調先生祠

雨後還至淮陽道上

國朝
崔應階

睢陽才去採芳菲細馬馱愁又獨歸紅雨拂衣花漸落綠
雲滿地麥初肥劃開春水鴛鴦睡剪斷晴烟燕子飛無限
韶華多半客瘦腰應減沈郎圍

望嵩山

國朝
張琦

崑崙水下歷宏農山壓黃河嶺萬重九貢版章稱腹土五
宗岱嶽號中峯室呼太少凌霄漢祀視公侯動鼓鐘西眺
秦關東洛汭蒼茫天半落芙蓉

次書湖弟過禹門作

國朝
馬士琪

蒼然暮色欲何之遙拜河東大禹祠風雨會須騰赤鯉鴻
續河南通志卷之七十四

藝文志

詩
庚

荒誰與問元夷怒平赴壑無聲處志快揚帆破浪時三歎
神工非斧鑿當年行水只如斯

續河南通志卷之七十四

續河南通志卷之七十四終

續河南通志卷之七十五

藝文志

詩 五七絕

嵩山夜還

唐 宋之間

家住嵩山下好采舊山薇
自省遊泉石何曾不夜歸

玉真公主山居

唐 儲光羲

山北天泉苑山西鳳女家
不言沁園好獨隱武陵花

次破石

唐 劉禹錫

數日方離雪今朝又出山
試憑高望處隱約見潼關

地肺

一作 山春日

唐 温庭筠

冉冉花明岸涓涓水繞山
幾時拋俗事來共白雲閑

續河南通志

卷之七十五 藝文志 詩

天壇歸

唐 元 稹

爲結區中累因辭洞裏花
還來舊城郭烟火萬人家

古函關

唐 皮日休

破落古關城猶能扼帝京
今朝行客過不待曉雞鳴

銅雀伎

唐 崔道融

歌咽新翻曲香消舊賜衣
陵園風雨暗不見六龍歸

銅雀伎

唐 劉長卿

嬌愛更何日高臺空數層
含啼映雙袖不忍看西陵

銅雀伎

唐 朱 放

恨唱歌聲咽愁翻舞袖遲
西陵日欲暮是妾斷腸時

豐山

唐 元好問

豐山一向高古木蒼烟重開門看吳楚鳥去天無窮

光武臺

金元好問

巍然此遺臺落日荒烟重誰見經綸初指揮定群雄

登韓陵山

明謝榛

立馬弔高歡州蕪滿陳蹟可憐當世功不見韓陵石

風雲亭

國朝鄂容安

野寺幾經適春深又此行看花並聽鳥風雪隔年情

嘯臺

國朝錢曰生

風流傳勝地今日剩高臺山水清音裡時聞長嘯來

少室

國朝呂履恒

少室橫西郭九面削芙蓉峰際落寒月城中聞曙鐘

續河南通志

卷之七十五 藝文志 詩

二

褚遂良墓

國朝呂履恒

白日落豐碑青蒲事可悲死生慙顧命不敢怨昭儀

文潞公墓

國朝呂履恒

抔土殘碑在猶傳宋太師鞏南陵樹盡空對日斜時

題蘇秦墓

唐張巡

沙埋古篆折碑文六國存亡事係君今日淒涼無處說亂

山秋盡有寒雲

題觀樓

唐岑參

荒樓荒井閉空山關令乘雲去不還羽蓋霓旌何處在空

留藥白向人問

題王真觀李秘書

唐韓翃

白雲斜日影深松玉宇瑤壇知幾重把酒題詩人散後
陽洞裏有疎鐘

思子臺有感二首

凡題思子臺者皆罪江充子觀禍胎不獨在此偶以二絕句辨之

白居易

曾家機上聞投杼尹氏園中見掇蜂但以恩情生隙罅何人不解作江充

閻生魍魅蠱生蟲何異讒生疑阻中但使武皇心似燭江充不敢作江充

過温尚書舊莊

白居易

白石清泉拋濟口綠幢紅旆照河陽村人都不知時事猶自呼爲處士莊

續河南通志

卷之七十五

藝文志 詩

三

履道居

白居易

莫嫌地窄林池小休厭家貧活計微多少朱門鎖空宅主人到了不曾歸

桃林夜賀晉公

唐韓愈

西來騎火照山紅夜宿桃林臘月中手把命珪兼相印一時重疊賞元功

蝦蟆泉

唐韓愈

居然鱗介不能容石眼環環水一鐘聞說旱天祈得雨只疑蝌蚪是蛟龍

玉真觀

唐張籍

臺殿曾爲貴主家春風吹盡竹窻紗院中仙女修香火不

許閑人入看花

鄴宮

唐陸龜蒙

花飛蝶駭不愁人
水殿雲廊別置春
晚日靚粧千騎女
白櫻桃下紫綸中

繡嶺宮

唐陸龜蒙

繡嶺花殘翠倚空
碧窓瑤砌舊行宮
閑乘小駟濃陰下
時舉金鞭半袖風

嘯臺

唐賈島

如聞長嘯春風裏
荆棘叢邊訪舊蹤
地接蘇門山近遠
荒臺突兀祇高峯

阿對泉

唐吳融

續河南通志卷之七十五 藝文志 詩

四

六載抽毫侍禁闈
可堪多病決然歸
五陵年少如相問
阿對泉頭一布衣
自註阿對是楊伯起家僮
嘗引泉灌蔬泉至今存

關下

唐崔道融

百二山河壯帝畿
關門何事更開遲
應從漏却田文後
每度聞雞不免疑

玉川偶興

唐胡曾

玉川鶴避盧仝斲
盤谷猿驚李愿歸
興盡攜筇一回首
西風拂拂白雲飛

校書堂

唐胡曾

楊震幽魂下北邙
關西蹤蹟遂荒涼
四知美譽留人世
應與乾坤共久長

三川驛伏覽座主舍人留題

唐杜牧

舊蹟依然已十秋
雪山當面照銀鈎
懷恩淚盡霜天曉
一片餘霞映驛樓

金谷

唐杜牧

繁華事散逐香塵
流水無情草自春
日暮東風怨啼鳥
落花猶似墜樓人

弔原

唐崔譽

古宮寂寞掩枯槐
罨畫山川半綠苔
人自登仙龍已去
野花無數鳥飛來

程員外故宅

唐崔譽

甲第連雲化古苔
春風依舊野花開
豪華隨水東流去
車續河南通志

卷之七十五 藝文志 詩

五

馬不來山鳥來

緱山廟

唐許渾

王子求仙月滿臺
玉簫清轉鶴徘徊
曲中飛去不知處
山下碧桃春自開

王濬墓

唐羅隱

男兒未必盡英雄
但到時來卽命通
若使吳都猶王氣
將軍何處立殊功

望思臺

唐羅隱

芳草臺邊魂不歸
野烟喬木弄殘暉
可憐高祖清平業
留與閑人作是非

弔原

唐徐凝

黃帝旌旗去不迴空遺片石碧崔嵬有時風捲鬪湖水
作晴天雨點來

釣臺

宋 范仲淹

漢包六合網賢豪一個冥鴻惜羽毛世祖功臣三十六雲
臺爭似釣臺高

讀淮西碑

宋 蘇軾

淮西功業冠吾唐吏部文章日月光千載斷碑人膾炙不
知世有段文昌

水亭

宋 游酢

清溪一曲逸朱樓荷密風稠咽斷流夾岸垂楊烟細細小
橋流水卽滄洲

續河南通志

卷之七十五

藝文志

詩

六

青童峰

宋 樓異

斬新高髻掠雲開翠色羅衣一樣裁知有神仙此中住故
令天女捧書來

裴休洞

宋 文彥博

講著終年戶不開庭無人蹟少塵埃山寒月射千峰翠止
見白雲歸洞來

送呂晦叔赴河陽

宋 程顥

曉日都門颺旆旌曉風鏡吹入山城知君再爲蒼生起不
是尋常刺史行

延慶寺

宋 王巖叟

龍影幽潭寺已空惟餘翠竹蘂青松路窮西北無他景只

有青山一萬重

濟瀆

宋趙秉文

樹映樓臺水映空，溪容林意兩溶溶。夏山如翠無人畫，遠處微茫近處濃。

題龍潭

宋趙秉文

毵毵雲水曉，相叅寺枕龍蟠十畝潭。一逕通幽深，竹處居人指說寺中庵。

陳侍中庵

宋李晏

古樹蒼茫一逕幽，庵前紅芰不驚秋。塵容因被修筠笑，何事匆匆不少留。

遊枋口

宋姜正

續河南通志

卷之七十五 藝文志 詩

七

山如削，玉水涵。秋人在冰壺，月底遊劫火，半空塵世換。不如此處幾登舟。

遊天平山撲猪嶺

宋張天覺

玉皇不禁上天梯，半築臨崖與斗齊。昨日我因尋藥到，幾回驚起日中雞。

遊天平山

宋王疏

春雨新晴上翠微，三年兩過洞天扉。塵蹤不得多時住，又向雲間一宿歸。

勝景奇蹤爛漫遊，歸鞍欲上重回頭。山禽於我情何厚，逐馬聲聲似見留。

善應村

金元好問

平岡回合盡桑麻百汊清泉兩岸花更得青山作重覆
陵何處覓仙家

天壇道中

金元好問

芳樹陰陰鳥語譁綠雲晴雪映紅霞青山可是堪人恨藏
着中岳十里花

馬坊冷大師清真道院

馬坊在修武

金元好問

水際茅齋星散居白雲閒伴五溪魚茂林修竹山如畫蘸
碧軒中恐不如

靜中入境兩悠然我亦因君有靜緣已約青山來枕上水
亭風榭看明年

梁縣道中

金元好問

續河南通志卷之七十五

藝文志詩

八

青山簇簇樹重重人在春雲浩蕩中也是杏花飛意况一
枝臨水卧殘紅

林慮

金王庭筠

帝遣名山護此邦千家瑟瑟嵌西窻山僧乞與山前地招
客先開四十雙

黃華

金王庭筠

王母祠東古佛堂人傳棟宇自隋唐年深寺廢無僧住滿
谷西風栗葉黃

挂鏡臺西挂玉龍半山飛雪舞天風寒雲直上三千尺人
道高歡避暑宮

手挂一條青竹杖真成日挂百錢遊夕陽影下山更好深

林無人不可留

道人邂逅一開顏爲借筇枝策我屨幽鳥留人還小住曉風吹破水中山

一派湍流漱石崖九峯高倚翠屏開筆頭滴下烟嵐句知是棲霞觀裏來

疑塚

金蕭水崖

安排死去千年塚刻畫生前一寸心安得此心如此塚不教人識到於今

題天壇

元吉丙

松杉鬱鬱鎖仙壇丈室高人盡日閒門外曉晴春色好數峰青出紫雲間

續河南通志

卷之七十五

藝文志

詩

九

期思城

元馬祖常

古城猶說漢期思土蝕荒堦楚相祠乞得寢邱人不奪千年渾水入荒陂

汝水

元張正

湛湛清流九曲灣深沉徹底似拖藍扁舟一葉無人繫風動橫移向碧灘

魏處士野故莊

元郝傑

郊原冷落霜風後桑柘蕭條兵火餘試問當時卿與相幾家猶有舊田廬

題七賢鄉

元王俚

不到山陽二十年黃墟空鎖竹林烟胡盧笑殺嵇康輩又

向溪山着祖鞭

漠漠筠林指舊棲幾年于此避危機奇才最惜嵇中散空
聽鸞音月下歸

金蓮泉

元 宋德方

道侶殷勤鑿石渠金蓮泉脉入靈都暗穿竹逕仍清冷爲
我烹茶敵酪奴

題天平山六峯

元 賈竹

六峯聳翠白雲間頓使幽人眼界寬早晚隨師更深處杖
挑明月一輪寒

望隆慮山

元 高書訓

好山只在屋西頭萬壑千巖滿意秋擬待明朝出門去一
續河南通志

卷之七十五

藝文志

詩

十

壺先向玉泉遊

題棲霞觀

元 李誠

太行絕勝在棲霞蒼翠橫空四面遮行過清溪松頂闔白
雲深處是仙家

偃蹇蒼松映碧岑一聲啼鳥翠微深眼前無限光陰好不
負尋山向日心

樹頭嵐氣鬱氤氳砌下清泉亂石分信步松間凝佇久晚
風吹散一溪雲

淇園

明 劉基

駐馬淇園春正濃三山雲外聳芙蓉武公去後瓊玕少霽
色猗猗入畫中

比干墓

明彭時

萬古乾坤八尺墳當年一死爲忠君謾勞異代加封蓋正
恐英魂不忍聞

銅雀伎

明薛瑄

銅雀臺高春已明春風無限綺羅情笙歌莫向西陵奏松
栢蕭蕭起暮聲

覺勝寺

明楊慎

野寺春來草色青遠山淡淡水泠泠隔窻人靜流鶯語楊
柳依依綠滿庭

博望城弔張騫

明李維正

河上仙槎去不還空留姓字在人間爲君一片封侯地多
續河南通志

卷之七十五

藝文志

詩

十一

少深閨恨玉關

由寧郭抵清化鎮卽事

明王世貞

陰溝清泚復灣環桃李成陰桑柘間道是江南好風景舉
頭如戟太行山

夾溪修竹帶青葱便擬移家住此中却憶鄉園暉未乏不
知何事厭江東

初登太行回有思

明王世貞

千山立馬送斜暉平楚蒼然色漸微最是東南欲盡處黏
天一點白雲飛

清虛宮

明吳國倫

清溪道士白雲居日誦元君玉字書忽有空香迎客至

中攜手出清虛

偶來仙觀踏飛霞
遙見青林已著花
若道人間無月府
門前誰駐五雲車

過闕鄉二首

明 彭綱

皇天原裡草萋萋
夸父山頭日欲低
塵土北風乘傳去
幾家烟柳晚烏啼

秦嶺雲開翠浪生
禹湖烟樹接孤城
太平車馬如流水
不管關雞早晚鳴

過孟縣

明 彭綱

策馬河陽日欲斜
野烟生處見人家
衰陽十里西風急
浪說潘郎滿縣花

續河南通志

卷之七十五

藝文志

詩

十二

題饒峪山

明 馬驥

秋山老矣爲誰容
佳處渾教錦繡封
啼鳥似將幽意說
數聲飛傍紫烟峰

掛鏡臺

明 童正蒙

石磴螺盤掛鏡臺
巔紅杏傍雲栽
花開不解隨風落
常帶飛泉作雨來

稠桑驛

國朝 王士正

春蘭秋菊不同芳
舊恨新愁爾許長
應是三生緣未了
又呼妙子到稠桑

老子故宅

國朝 王士正

北邙東望冢纍纍
上有元元古廟基
莫以荒唐笑仙李
漢

家先奉濯龍祠

衛源竹枝

國朝

曹爾堪

罨靄春疇欸段遲風微沙淨燕差池比干廟裏情何限况
是油油麥秀時

覃懷竹枝

國朝

曹爾堪

萬派甘泉注幾村腴田百頃長龍孫養成斑竹如椽大到
處湘簾有淚痕

遊嵩山寺

國朝

鄭日奎

十里溪聲五里山數椽梵剎萬松間老僧掃地不爲客待
有白雲時往還

登首山絕頂

國朝

理瓘和

續河南通志

卷之七十五 藝文志 詩

三

老樹當門掛紫藤四圍石壁冷如冰山僧不識山前路高
卧白雲最上層

題息夫人廟

國朝

鄧漢儀

楚宮慵掃黛眉新只自無言對暮春千古艱難惟一死傷
心豈獨息夫人

緱山廟

國朝

蔣廷偉

古木森森靄鬱華碧雲峰頂見仙家玉簫吹斷人何處一
片秋聲送晚霞

函谷關

國朝

孫淦

秦關信宿溷塵埃天半危樓上幾回自是司閭無尹喜何
嘗紫氣不飛來

兩山界閣氣崢嶸萬古人從峽裏行一統車書關不閉
勞座客學雞鳴

過稠桑

國朝 張學林

鳥飛兔走夜茫茫老去唯餘恨不忘
儲得半生傷逝淚忽教垂首過稠桑

高平岡卽事

國朝 廖鳳徵

一水橫鋪岸草平小橋人坐遠山清
樹頭新葉陰陰綠何處金衣三兩聲

謁武侯祠二首

國朝 李及秀

討賊書傳萬古香當時誰識漢綱常
沉埋國史經千禩頗有知心是紫陽

續河南通志

卷之七十五

藝文志 詩

十四

暝色蒼蒼萬壑封祠前燈火徹長松
銅臺遺址空千尺不及平岡號卧龍

召父陂

國朝 蕭韶相

南都草莽已連阡水到空聞召父賢
鸚鵡不知香稻少秋聲猶集廢塘邊

洹河柳枝詞

國朝 胡煦

曾陪歌管拂青霄也逐旌旗蕩漾飄
今日洹河臨水望雲痕絲縷一條條

冷灰燒劫海成塵臺下鳴蛙聒醉人
麥浪擺搖金鳳翅柳綿吹散玉龍鱗

看得春風盡底吹青青無改舊陰移
朱明門外清冷海折

臺長條是別誰

戲馬烟消舊日臺尚留青眼向人開晉陽萬騎憑陵日應
借春陰繫馬來

隊仗蕭蕭盛鼓聲濃陰深護綠楊低鞭箠欲下憐騎馬爲
惜馮河錦障泥

時光浮綠影鬢髮駐蹕傳呼解右驂骹箭一枝穿細柳萬
騎黑鞞渡漳南

紛紛夾道綠楊垂牽惹東風自在吹屈膝猿騎春試馬攀
條曾選向南枝

曲鏡高張戶不扃夜陪銀燭晃天星柳枝未省興亡事寧
爲高齊眼故青

續河南通志

卷之七十五

藝文志

詩

五

鼓吹入隊柳廊寬馳道中間玉勒寒銅鳳不來羈鐵爛柔
枝從教路人攀

營得新宮勝洛陽金鈴翠羽繡鴛鴦當年掛飯添愁思步
步回頭望綠楊

平臺二首

國朝

李肖筠

老瓦亭邊蔓草堆無端舊事感平臺咸陽不救袁絲死枉
自名園七賦才

荒臺斜日下牛羊鶡鴒鳴時草不芳東苑築成三百里空
留一曲唱睢陽

黃門亭

國朝

劉文蔚

漢家舊業久凋零帝母陵荒記此亭綠徧小黃園裏草更

誰一到祀昭靈

造字臺

國朝陳 浦

此地曾經哭鬼來
停鞭日暮尚堪哀
一從多事成書契
不斷人間筆墨災

信陵館

國朝陳 浦

蟲吟秋草亂秋烟
廢甃殘碑落照邊
不道此中曾結客
滿城樓閣一悽然

博浪城

國朝陳 浦

殘碑猶自枕黃河
亂荻寒沙落雁多
過客莫輕談往事
子房原不是荆軻

艮嶽

國朝陳 浦

續河南通志 卷之七十五 藝文志 詩

十六

蒙塵天子望迴輿
沙漠年年片月孤
花石有情思艮嶽
樓臺無恙在西湖

洛中絕句

國朝湯右曾

南北由來嗜好殊
幽人風味不全孤
玉川三百團團月
一字何曾道酪奴

庾郎鮭菜二十七
嗤點何來李合公
洛鯉伊魴非俊味
白頭韭出客盤中

志稱洛韭至美果然

屠兒割肉妓兒繩
敏捷當時甄李能
何事江南老常侍
只將片石說韓陵

士馬并州劇亂麻
淨宮堯率洗鉛華
洛川多少興亡恨
惆悵

帳年年楊白花

徵君之故乃泥中婢亦知詩似鄭公不解雙聲定何語冠
軍家自有春風

南園池館久飛灰將相功名何有哉三十六峯雲雪路只

應招鶴更歸來

裴晉公有南園詩

子粒芒紅檢校頻兩京薄產事艱辛將書苦憶東屯老伊

關年年有好春

香山寺裏留遺集盃酒何如身後名今日橋紅沙白路一

篇長恨舊風情

龍門雪下有佳期車馬漸漸水上遲但使都廳遺事在未

嫌歐尹不同時

破垣遺竈天王院陰雨元功剩幾家歌管層層春處處夢

續河南通志

卷之七十五 藝文志

詩

七

中猶看洛陽花

過虎牢關

國朝 湯右曾

關門設險笑徒勞絕壁緣雲舊虎牢黑色小兒空百戰也

從洛口塞成臯

纔言今日已春還春在融融冶冶間柳意漸蘇波漸活東

風先上虎牢關

關上有清泉夾植楊柳

元夜在汴城

國朝 湯右曾

春波細細穀紋生歌扇飄殘宛轉聲帝子不傳新樂府詞

人空說舊東京

從教百戲幻魚龍花障香山幾萬重九十尺連青漢起可

能留得最高峰

良嶽有一峯最高至九十八

千枝萬影朶樓開一道銀河瀉露臺天上忽飛金鳳下雲

中時看玉龍迴白宗朕聖其文世澤唯此雅興

兩行綺陌界朱杈燈火三更夜市譁月到五樓明似水一

重縹瓦一蓮花取冰向流渠合聖籍

重添兩夜試燈期猶說錢王納土時鵝鴿旋中光眩轉路

人腳踏五花兒

萬歲山前望貢雲香中百和最氤氳遊蜂冷蝶非時見先

繞雙奴玉線裙宣和間汴京元夜有使喚蜂蝶之術

蕭條相國寺如村指點菩提葉葉翻誰信當時正月半范石

湖詩夜夜長緣牕朱戶盡歡門

王傅宅邊春月皎太師橋畔午風和劉子翬汴京紀事詩夜月池臺王傅宅春

續河南通志卷之七十五藝文志詩

風楊柳有三十七拜王黼盛時太師橋試教點檢蜂兒看黃雀披綿有幾多蔡京點檢蜂兒見在數目

庫中黃雀鮮積屋二楹

窠石空留四畫圖赦書着脚語何愚烏犀白玉煩緹裏重

入思陵卷軸無

水底鞦韆水上舟試燈纔罷又春遊紀聞南廬裨官筆風

雨移州夢汴州

重九大梁懷古國朝胡具慶

夷門處士有誰如却向蘇張拾唾餘若使侯生真大隱豈

宜輕上信陵車

無忌空成救趙名宗邦寧比友邦輕如何拋却純臣節只

博平原擁篲迎

假手如姬竊虎符鐵椎復啖鼓刀屠誰將齊魏分優劣狗
盜雞鳴總不殊

猶幸回頭末路中告車趣駕得成功可憐食客三千衆不
及邯鄲一薛公

畏讒避毀謝朝班終使蒙鰲虜魏還應悔婦人醇酒死不
如碎首搗函關

張釋之故里

按史記釋之堵陽人注堵陽在鄧州東南六十里而一統志及通志輿圖備考

皆云裕故堵陽地且云釋之故里在城東南其誤明甚因讀道碑遂爲此詩

國朝

劉青藜

楫客將軍係重輕况於結轡向王生堵陽城郭今何在留
得當年廷尉名

續河南通志

卷之七十五

藝文志

詩

九

釣臺

國朝

劉青藜

把釣桐江去不回羊裘猶被後人猜南陽當日興王地可
是狂奴得得來

鄧州懷古

國朝

劉青藜

冠軍城下水西頭笑指征南土一抔解道摸金防校尉白
楸真設更何愁

吾離千載此遺疆玉壘浮雲事亦常最是三甥有餘恨當
年不殺楚文王

朱鬪碧塢鎖煙霞老樹空悲叫暮鴉絕憶風流范文正百
花洲上賦漁家

老鶴長鯨入望愁遺山曾此賦登樓西風落日孤城上依

舊湍河傍郭流

血戰山東事飽諳鐵公遺碣傍城南可憐烈烈忠臣廟不及東郊喜施庵

百里洪濤接大江襄陽佑客日春撞乘潮南去無多路好向鹿門弔老龐

夢裡金人誤漢家禁中佛骨又爭譁千秋獨有昌黎表贏得春泥嘆驛賒

聞張穉菴先生話大梁遺事

國朝劉青藜

山石凋零輦路遮百花園裏遍人家不須更話宣和季樂府金梁已夢華

壓城雲黑不曾開易子析骸更可哀怨殺天與留故事民續河南通志

卷之七十五

藝文志

詩

三

間搜粟又重來

跋扈將軍養寇驕貂璫河上自逍遙殺場魚腹同歸盡回首休嗔鏡裏論

崇禎年汴人每云鏡子裏遂爲黃河漂沒之讖

不聞公子趨還魏但見條侯坐委梁夜半挑燈談舊事爭教白奪不沾裳

首二句見白奪集

詩酒淋漓老孝廉風情白傅亦何嫌坡詩繡出鴛鴦手巾帶迎風時自拈

張林宗先生嘗冠唐巾巾帶繡蘇公半升三寸之句

史稿東都載幾車寶觥雲散畫樓墟中郎剩有文姬在欲效曹公問父書

王損中曾刪修宋史寶觥其藏書樓也穉庵子婦卽其女其遺集尚有藏板

騷壇老将李空同家住曹門古巷東誰向大陽酬盃酒結腸裏絕楚江蓬

大陽山在禹州空同葬處也州人劉玉威嘗于漢陽逆旅遇一老嫗自言爲空同女

孫口誦結
陽篇云

洛陽禊詠

國朝 呂履恒

建春門外舊皇家避暑宮前響翠華
四十年來人不識春風吹徧野園花

元公遺廟暮秋時古木悲風向晚吹
駐馬塵塗還泣拜遺民新立尚書碑

召伯巡行有舊風欲尋遺蹟燧煙空
那知南國甘棠舍還望東周離黍宮

煙冷平泉憶舊莊園林爭重似門墻
東都已改西京破醒石依然夢贊皇

莫弘墓

國朝 呂謙恒

續河南通志

卷之七十五

藝文志

詩

三

河橋冰泮石鱗鱗冷日荒壕感路人
此地幾年埋碧血至今楊柳不成春

續河南通志卷之七十五終



